



Na osnovu člana 2.9 stav (1) tačka 2. i člana 4.16 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), Centralna izborna komisija Bosne i Hercegovine je na 21. sjednici, održanoj 04.05.2016. godine, donijela

ODLUKU o visini takse za ovjeru za učešće na Lokalnim izborima 2016. godine

Član 1. (Iznos takse za ovjeru)

- (1) Ovom odlukom određuje se visina takse za ovjeru za učešće političke stranke i nezavisnog kandidata na Lokalnim izborima 2016. godine u iznosu od:
 - a) 1000,00 KM za političku stranku koja se kandiduje u sjedištu stranke za općinsko vijeće, odnosno skupštinu općine, gradsko vijeće, odnosno skupštinu grada, te po 100,00 KM za kandidovanje u svakoj novoj izbornoj jedinici, za općinsko vijeće, odnosno skupštinu općine, gradsko vijeće odnosno skupštinu grada,
 - b) 1000,00 KM za političku stranku koja se kandiduje u sjedištu stranke za načelnika, odnosno gradonačelnika, te po 100,00 KM za kandidovanje u svakoj novoj izbornoj jedinici za načelnika, odnosno gradonačelnika,
 - c) 1000,00 KM za nezavisnog kandidata koji se kandiduje za načelnika općine ili gradonačelnika, općinsko vijeće odnosno skupštinu općine, gradsko vijeće odnosno skupštinu grada i Skupštinu Brčko distrikta BiH.
- (2) Za prijavu za učešće na izborima za popunu garantiranih mandata za pripadnike nacionalnih manjina ne uplaćuje se taksa.
- (3) Politička stranka i nezavisni kandidat obavezni su novčani iznos takse za ovjeru iz stava (1) ovog člana uplatiti sa svog transakcijskog računa, na račun JRT broj: 0000030000000145 svrha uplate: poziv na broj: 37111614 - Centralna izborna komisija BiH.


Član 2. (Povrat novčanog iznosa takse)

O povratu novčanog iznosa uplaćenog na ime takse za ovjeru prijave političkih subjekata za učešće na Lokalnim izborima 2016. godine, Centralna izborna komisija Bosne i Hercegovine će donijeti posebnu odluku u skladu sa članom 4.16 Izbornog zakona Bosne i Hercegovine.

Član 3. (Stupanje na snagu i objava u službenim glasilima)

Ova odluka stupa na snagu narednog dana od dana objavljivanja u "Službenom glasniku BiH", a bit će objavljena u „Službenim novinama FBiH“, „Službenom glasniku RS“, Službenim novinama Brčko distrikta BiH“ i na web-stranici Centralne izborne komisije BiH www.izbori.ba.

Broj: 05-1-02-2-503-1/16
Sarajevo, 04.05.2016.godine



Predsjednik

Dr. Ahmet Šantić